

Class 10 बाइदिमैयानि आसाम
खोन्दो - 8 **Bodo Medium**
मणिपुरीफोर

1. माब्लानिफ्राय मणिपुरीफोरा आसामाव थाजोरै थानो फैदोंमोन।

फिन : 1819 खृष्टाब्द आव माननि सान्त्रिया मणिपुर राज्योखौ गांग्लोबदोंमोन। मणिपुरी फोरजाफोरनि सायाव मान सान्त्रिफोरा बुग्लुं-बुसि खालामनाय आरो अनागारि खालामनायखौ सहायनो हायिनि बिसोर काछार, छिलेट (आथिखालनि बाला हादोरनि सिङाव) आरि जायगासिम थाहैदोंमोन होनना बुंनाय जायो।

2. भारतारि संबिजिरनि दाइनथि फारियाव मणिपुरी रावा माब्ला थिसनजादोंमोन?

फिन : 1992 मायथाइयाव मनिपुरि रावा भारतारि संबिजिरनि दाइनथि फारियाव थिसनजीदोंमोन।

3. मणिपुरी मीतै-मैतैफोरनि गेजेराव मोनस्त्रि खेलनि मुंफोरा मा मा?

फिन : मणिपुरी एबा मीतै-मैतै समाजआ मोन स्त्रि 'येक-छालाइ' थामहिनबा खेल एबा हान्जायाव बोखावनाय। बेफोर जादों - मङा, लुवां, खुमन, मइरां, अडम, खाबा-डानबा आरो चेंलै।

4. मणिपुरी मीतै-मैतैफोरनि गावनि न 'आव फुजा आरो आरज गाबनाय मोदाइ मोदाइजोनि मुङा मा मा?

फिन : मणिपुरी मीतै-मैतैफोरनि गावनि न'आव फुजा आरो आरज गाबनाय मोदाइ मोदाइजोनि मुंफोरा जादों - लाइनिंथौ छानामही, इमा लैमरेण शिदबी।

5. लाइ हारावबाया मा? बिसोरनि बबे दानाव लाइ हारावबा फोरबोखौ फालिनाय जायो? लाइ हारावबा फोरबोआव बाहायनाय रोखोमसे दामजुनि मुं लिर।

फिन : लाइ हारावबाया जादों मणिपुरीफोरनि आबादजों सोमोन्दो गोनां मोनसे रोखोमनि फोरबो। लाइ हारावबा फोरबोखौ मणिपुरिफोरा बैसाग दानाव फालियो। लाइ हारावबा फोरबोआव बाहायनाय रोखोमसे दामजुनि मुडा जादों पेना।

6. मणिपुरी मीतै-मैतैफोरनि माखासे मोसानायफोरनि मुं लिर?

फिन : मणिपुरी मीतै-मैतैफोरनि माखासे मोसानायफोरनि मुंफोरा जादों-लाइहारावबा, थाबल चंबि, माइबै जगइ।

7. लिरसुंथाइ लिर:

(क) नावरिया फुल।

(ख) मोसागुरु के. यतीन्द्र सिंह।

(ग) समाज सिबियारि सरस्वती सिंहा।

(घ) नंथ 'म्बम बिद्यापति सिंह।

फिन : (क) नावरिया फुल: तकतक: गोदान मुगानि मणिपुरी थुनलाइनि लामा दिन्थिग्रा सुबुंफोरनि गेजेराव नावरिया फुलआ गोबां

रोंगौथिनि बिगोमा। 1888 मायथाइनि 28 आगष्ट खालारखालि
आसामनि हाइलाकान्दि जिलानि राजेश्वरपुर मौजानि 'लाइश्रम खुन'
मुंनि गामियाव नावरिया फुलआ जोनोम जादोंमोन।

बिथाडा नावरेम चावबा आरो थम्बौ देवानि बाथि फिसाज्ला।
जोनोमावनो महर लाना जोनोम सख्ल'-बख्ल' गथ'खौ बिबौवा फुन्द्रेइ
थामहिनबा कुन्द मुं दोननायसै। फरायसालिनि फोरोंगिरिया बारसे
बिबार बादि नुनाय समायना गथ'नि मुंखौ फुल दोननायसै।

बिथांमोननि आजै-आजौवा राजाजों खुंजानाय मणिपुर हादाबनि
फोरजामोन। बिथांमोननि सोरबा सासे बिबौनि बिबौवा राज
आफादनि मावख 'गोरामोन। उनाव मान बोखावनायनायाव बिबौनि
बिबौ हेरान्दआ गावनि हादोरखौ नागारनानै बोखावजानाय हान्जाजों
फैनानै बे गामियाव थाजोरै थानो लायो।

नैजि जौथाइनि थामथि जिथायावबो (1920-30) मणिपुरी गोदान
थुनलाइनि अरुण 'नि सम। बे जिथायावनो सोनाबारि सोलोंथाइजों
सोलोंथाइ मोननाय माखासे बिमा राव मोजां मोनग्राफोरा थुनलाइ
लिरनायाव गोसो होयो। नावरिया फुलआ फोरोंगिरि डाबा मावबाय
थानाय समनिफ्रायनो थुनलाइ लिरनायाव गोसो होयो।

नावरिया फुलआ फोरोंगिरि हाबा मावबाय थानाय समनिफ्रायनो
थुनलाइ सोरजिनायाखौ राव दानस्लायनायनि गेजेरजों जागायजेनो।
1918 निफ्राय 1919 मायथाइसिम हिन्दु धोरोम बिजाबनि सल 'खौ
गासै गांबा नायजाब लिरो। बेफोर जाबाय-इनिंथौ हरिचन्द्र, सीता
बनबास, रामना बनबासतगी हललकलबदा, दुष्मन्त शकुन्तला, श्रवन
कुमार उनाव 1930 -1940 बोसोरनि गेजेराव खन्थाइ आरो रायथाइ
गासै गां 19 बिजाब लिरो।

(ख) मोसागुरु के. यतीन्द्र सिंह: बिश्व भारती शान्तिनिकेतन संगीत भवननि आजिरा मोननाय गोरायुं गेदेमा मोसानाय आरिमुनि गुरु बिबुंगोरा के. यतिन्द्र सिंहआ. 1943 खृष्टाब्दनि एप्रिल दाननि 22 खालाराव आसामनि काछार जिलानि लक्ष्मीपुराव जोनोम जादोंमोन। गुरु के. यतीन्द्र सिंहआ मणिपुरी नट-संकीर्तन गुरु के. कामिनि सिंह आरो मस्त्रिमा पश'तलैमा देवीनि फिसाज्ला। उन्दै समनिफ्रायनो बिथाडा जोबोर नोरोम, अनजालु, मेथाइ एबा मोसानो मोजां मोनग्रामोन।

फोलेरनि सिनायथिखौ मोजाडलाखिनो उन्दैयावनो बिफा आरो के. कामिनि सिंहनिफ्राय नाटसंकीर्तन आरो मोसानायनि गुदि फराखौ लायो। उननि समाव बै समनि मणिपुर राज्योनि मुंदांखा मोसागुरु, गुरु लकेश्वर, गुरु अमुबी आरो गुरु अत'म्बानिफ्राय मोसानायनि गियान लादोंमोन।

1965 मायथाइयाव स्कलारसिप मोननानै बिश्वभारती शान्तीनिकेतनसिम मोसानायनि सोलोंथाइ लानो फैदोंमोन। उनाव मोसानाय सोलोंथाइखौ फोजोबनानै बेयावनो बिथाडा मोसानाय आरो मेथाइ बिफानाव बिबुंगोरा मासियाव थिसनथाइ मोननानै शान्ति निकेतनाव थाजोरै थानो लायो। फोरोंनायजों समानै बिथाडा मोसानायनि साधनायाव गोसो होथाबो।

गुबुन गुबुन मोसानायनि सरजाबनाय आरो गलाय-मोन्देरनि गेजेरजों बिथाडा समायना-रमायना गोदान मोसानाय आदब दिहुननानै सोलोंसाफोरखौ फोरोंदोंमोन। हायुडारि आरो हादोर गेजेरारि थाखोआव खुंनाय मोसानायनि गोबां मावसाला, सावराय मेल आरो हारिमुवारि हान्जासुरनाय मोसानायनि दिन्थिफुंनाय बिबुंथि लाखिनानै नायग्राफोरनि गोसोखौ जै खालामनो हादोंमोन।

(घ) समाज सिबियारि सरस्वती सिंहा: आसाम सोमावसारनायनि दैदेनगिरि, समा सिबियारि सरस्वती सिंहाया 1958 मायथाइनि 8 सेप्टेम्बरखालि हजाइ जिलानि लंका हालामनि आमपुखुरी गामिनि गंसे आबादारि नखराव जोनोम मोनो। बिफानि मुडा वाहेंबम जयचन्द्र सिंह आरो बिमानि मुडा वाहेंबम फजबी देबी।

बिथांनि सोलोंथाइ जिउवा आमपुखुरी गुदि फरायसालिनिफ्रायनो जागायजेनो। काशीपुर एम.भि. स्कुलनिफ्राय बृत्ति लानानै एम.भि खौ उन्निनायनि उनाव लंका राष्ट्रभाषा हाइस्कुलनिफ्राय 1976 मायथाइयाव H.S.L.C. अनजादखौ नैथि थाखोआव उथ्रियो। बेनि उनाव नगाव गार्लस कलेजनिफ्राय 1981 माइथायाव बि.ए. खौ उथ्रियो। गोबां बोसोरनि उनाव 1993 मायथाइयाव नगाव आइन कलेजनिफ्राय एल.एल.बि. डिग्रीखौ लायो।

आयेननि डीग्री लाखांनायनि उनाव सरश्वती सिंहाया 1996 मायथाइयाव हजाइनि शंकरदेब नगर कर्टआव सासे उकिल महरै हांबायाव हाबो। बिथांनि बाथ्रा दान्थेनाय, मोगा-मोगि जानाय आरो नाजाथाबनाय गुननि थाखाय जोबोर खम समनि गेजेराव सासे जिउखाडारि आयेनगोरों महरै गावखौ गायसंनो हादों। मख 'नो गोनांदि बिथाडा आसामनि बुरलुंबुथुर सेरफांनि गिबि मणिपुरी आइजो उकिल।

(ङ) नंथम्बम बिद्यापति सिंह: मणिपुरनि बायजोआव थानाय मणिपुरीफोरनि गिबिसिन एम.एल.ए. नंथम्बम बिद्यापति सिंहआ सासे बाडारि (गोबां) मेलेम गोनां मानसिमोन। बिथाडा 1912 मायथाइनि 24 नबेम्बर खालारखालि आथिखालनि हाइलाकान्दी जिलानि लाला सोहोराव जोनोम मोनदोंमोन। बिथांनि बिफा रुंसारि ललित सिंहआ सासे अजा आरो ज्यतिषीमोन।

बिमा रुंसारि माइचन देबीया आसामाव थानाय मणिपुरीफोरनि गिबि
डेपुति इन्सपेक्टर हिजम रमन सिंहनि बिब 'मोन। बिथाडा 1931
मायथाइयाव कलिकता बुहुम फरायसालिनि सिडाव सेथि थाखोआव
मेट्रिक आनजादखौ उथ्रिना बेनि उनाव शिलेट मुरारीचान्द
फरायसालिमानिफ्राय इन्टारमिडेयेट उथ्रियो बै
फरायसालिमानिफ्रायनो 1935 मायथाइयाव ढाका बुहुम
फरायसालिमानि सिडाव जारिमिन आयदायाव अनार्च लाना बि.ए.
खौ उथ्रियो।

नंथ'म्बम बिद्यापति सिंहआ 1936 मायथाइयाव काछार जिलानि
सनाइ एम.इ. स्कुलाव इंराजी आयदानि फोरोंगिरि हाबा मावो। बै
समाव सनाइ ओन्सोलाव एम.इ. बारग 'खांनानै गोजौ फरायसालियाव
फरायनायनि जेबो खाबु गैयामोन। बेनिखायनो बिथांनि नाजानायाव
सनाइ एम.इ. स्कुलाव गोजौ फरायसालि गायसननानै हाइस्कूलनि
सोलोंथाइ लानायनि आंखालखौ होखारो।

नंथ 'म्बम बिद्यापति सिंहआ बै समनि सासे गोजौ सोलोंथाइ लानानैबो
गोरलै जिउ खांदोंमोन। जेब्लाबो धुति पान्जापि गाननानै सासे नेर्सोन
दिन्थिग्रा हौवा महरै सानजादोंमोन।